



Inatsisartunut Ilaasortaq Anthon Frederiksen, Partii Naleraq  
Inatsisartut  
/MAANI

INDGÅET

13 MAR. 2015

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**§ 37, 2015-059, naapertorlugu SQAPK pillugu apeqqummut akissuteqaat**

Inatsisartut suleriaasianni § 37, imm. 1 naapertorlugu Sinerissap Qanittuani Aalisartut Piniartullu Kattuffiat, SQAPK, pillugu apeqquteqarputit. Apeqqutit uannut akineqartussanngorlugit ingerlateqqinneqarsimapput.

**Apeqqut:**

1. Sooq sunalu pillugu Sinerissami Qanittumi Aalisartut Piniartullu Kattuffiat aalisarneq pillugu siunnersuisooqatigiinnut taasisinnaatitaalluni aalajangeeqataasinnaallunilu ilaasortaataqanngila?
2. Sooq sunalu tunngavigalugu SQAPK aalisarnermut piniarnermullu siunnersuisooqatigiinnut taamaallaat alaatsinaatsutuinnaq ilaatinneqarpat?
3. Sooq sunalu pillugu SQAPK aalisarnermut piniarnermullu tunngasut pillugit tusarniaaffigineqarneq ajorpa?

**Akissut:**

1-mut 2-mullu)

SQAPK 2013-imi Aalisarneq pillugu Siunnersuisooqatigiinni ilaasortanngornissamut qinnuteqarpoq. Taamani Naalakkersuisuusut qinnuteqaammik suliarinninnerminni aalajangerpaat SQAPK aallaqqaammut Aalisarneq pillugu Siunnersuisooqatigiinni taasisinnaatitaanani peqataasassasoq. Maanna Naalakkersuisut SQAPK-imit nutaamik Aalisarnermut siunnersuisooqatigiinnut ilaasortanngornissamut qinnuteqaammik tigusaqarsimavoq, Naalakkersuisut qinnuteqaammut akuersaarniarlutik piumassuseqarput.

**3-mut:**

SQAPK Aalisarneq pillugu Siunnersuisooqatigiinni taasisinnaatitaanani peqataasartut Aalisarneq pillugu Siunnersuisooqatigiinni ilaasortat taasisinnaatitaanatillu peqataasartut allat assigalugit tusarniaaffigineqartarlunilu tusarniaassutigisanik pissarsisarpoq.

Inussiarnersumik Inuulluaqqusillunga

Karl-Kristian Kruse

09-03-2015  
Suliap normua. 2015-112500  
All. nr. 1891276

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl